

BUOKRAAM IN JIBAÑ KIN REEN AN ARKANSAS KAJITÖK KO REKUT

Emōj kökkāäl melele 2-11-2022

MELELE KO MAANLOK AN BUOKRAAM

Ta buokraam in Jibañ kin Reen an Arkansas?

Buokraam eo an Jibañ kin Reen an Arkansas ej jibañ armij ro rej reen im remaron tōbrak im rejab maron kolla wonnen reen ko emootlok ien kolla im/ak wonnen reen ilo jeklaj im/ak wonnen jarom emootlok ien kolla kin an ejellok aer kolla ak wōr abañ ko rar walok jen COVID-19 im emōj an jelōte aoleben lal in. Lok im 15 allon in jipan in ej jermal nan woneen reen ko rejanin kolla im men ko rej kojerbali mweo ej jemlok ilo ak alikin jen Eprol 1, 2020.

LAAJRAKIN IEN AN BUOKRAAM EO

Ta raan ko raurōk an buokraam eo?

Abolkeijen ko rej pellak ilo May 17, 2021 im naaj wonmaanlok wot im ebok abolkeijen lok nan 2022 toon wot an jipan in pad im janin maat.

Ewi toon madmōd im kōtōbrak/jab kōtōbrak ablikajon eo aō?

Pepa kein emoj aer komokaj jen ro relukkun bed ilo kauwotata ikijjeen jelmae jermal im komakut ak kaduoj innem ilo laajrak in aer kar boke. Kadedelak aolep pepa ko koba ippen AOLEPEN pepa ko im rej aikuj bwe ren bar dedelak bwe ren jerbali ilowan 30 raan ko. Pepa ko me rejjab dedelak kobbaer renaaj aikuj bar jet ien nan jerbali nan aini im jerbali kakobaba in melele ko.

Ta eo imaron kommane ne ijjab maron likit AOLEPEN pepa kein raikuj bwe ren bed?

Jermal ippen Alap eo am/ Mon jermal ko kwe ak rijermal ro ilo mweo imom rej jermal ie/ Riekejet ak rijermal ro ilo jikin eo kwoj jokwe ie ak ro jet einwot ke kwomaron naaj aikuj in lelak ak kaduojtok pepa ko rekkar bwe kwon lelaki.

Juon pepa in kamool eo am make eo im rej jerbaleemoj an kar koba ilo pepa eo emoj kanne nan pepe ko jet ko im raikuj bar dedelak ijo im kommelele in ejjab bed ak walok.

- Aban ikijjeen jaan(waanjonak,. Ejelak jermal, ediklak income eo am, ellaplok menko kwoj buki, ak jet bar apan ikijjeen jaan)
- Apan ikijjeen jikin jokwe(waanjonak,. Kauwotata ikijjeen an ejelak jikin jokwe ak ejjedwawa bajjok ijo otemjej)
- Kaalikkar ikijjeen income(waanjonak,. Jete woran income eo an aolepen ro imweo ilo ak iumin wot 80% AMI)
- Pepa in liij eo am(waanjonak,. Kommelele ko an Alap eo am, pepa in kaalikkar kolla ko am ilo aolep allon, im bareinwot nan jarom.
 - Jipan ko ikkijjeen reen em renej komman wot ilowaan 3 allon in reen ilo an moj kotmene ke pepa in liij eo emoj komman nan raan ko rej peddo toke lane kaape in liij eo ej jermal wot ejjab pad ilo abolkeijen in.

Kemejmej bwe eo ewor an eddo ilo keij in ej maron wot aikuj nan an kajjitok elane enaaj jako jet iaan papa ko, nan kobaik aolep kein kamool ko am ijin ilon, nan kein kamool nan maron eo am ekkar nan kotobar ak konaan ko an US Treasure (Jikin lale jeen eo an US).

Ewi wāween aō jelā ñe ewōr jabdewōt melele kāäl ak oktak ñan buokraam eo?

Jabdewōt oktak ko ñan buokraam eo renaj kwalok ilo on ar.gov/rentrelief. Jouj im beddo lale website in ñan lale ñe emōj kwalok jabdewōt melele kāäl.

AN ARMIJ EO EJ KATERURU MARON TÖBRAK EO

Woñ eo emaron töbrak?

*Kwömaron töbrak elañe kwönaj uwaak AET ñan **AOLEB** laajrak:*

- Kwōj juon eo ej jokwe ilo Arkansas
- Kwōj juon eo ej reen ewōr juon lej in imōn jokwe ak bujen in reen an törre in
- Kwōj juon citizen in Amedka ak juon rilikin emelim an jokwe
- Kojjab maron kollaiki aolepen ak jidikin reen eo am kin wot apan in jeen ikkijeen COVID-19 (e.g. ilo am maron bok Jeramman ko elane kojjab jermal, ediklok kolla ko ilo jikin jermal, ak ebar wor kapanpan in jeen ko Kwoj aikuij kollaiki)
- Kopad ilo kauwatata nan an ejelok am jikin jokwe ak ejjab emman mour ilo jikin jokwe eo am (e.g. kojjele in muri ko am, kein kamool ke Kwar jab kollaiki reen eo am, ak leta in kadiwojlok yuk jen jikin jokwe eo)
- Armij ro ilo mweo imōm im rej ioon melele in kajinet ko ikijen kolla ilo törre in.
 - Kolla eo an rimweo ej aikuj diklok jen 80% in Joñan Kolla eo Ekkā an Jikin eo (AMI) an county eo am, im emōj kōmelele jen ibben United States Department of Housing and Urban Development (HUD). Lale jikin Kakobaba in [Melele A](#)
 - Joñan jemlok in maron töbrak ikijen kolla kin county ñan county eo kwōj jokwe ie im jete armij ro rejokwe ilo mweo imōm.

Armij eo rej kateruru remaron jab ebōk jibañ jen Burokraam eo an Jibañ kin Reen an Arkansas ñan jabdewōt wonnen reen ak jarom emōj an kolla jen bar juon burokraam in jibañ kin reen ej kolla jen ibben kien eo an federal, bōtab ejab jemlok wōt ñan Burokraam eo an Fresh Start an Arkansas ak Jibañ ko jen Emergency Solutions.

Jouj im bar kemejmej bwe wonor ro an mweo im rijokwe ro im rej jokwe ilo juon wot em rejjab maron delon ilo burokiraam in.

Ak ñe emōj de aō ebōk jibañ in reen jen bar juon burokraam?

Burokraam in emaron wōt kolla wonnen reen ak jarom ko rejab kolla jen ibben burokraam in jibañ kin reen ko jet.

Ij ke aikuj juon armij eo ej jokwe arkansas bwe in maron kateruru ñan jibañ?

Aet. Ro rej kateruru rej aikuj juon eo ej jokwe ilo törre in ilo Arkansas. Mennin enaj walok ilo atorej eo an imōn reen eo an ablikajon eo.

Ij ke aikuj juon citizen in u.s. ak rilikin emelim an jokwe bwe in maron kateruru ñan jibañ?

Aet. Armij ro rej reen im kateruru rej aikuj juon citizen in U.S. ak juon rilikin eo emelim an jokwe ñan an maron kateruru ñan jibañ im ej aikuj upload ae beba ko rej kwalok kamool, einwōt laijen in kattor, kaat in ID jen kien, ak beba in lotak, einwōt mōttan ablikajon eo aer.

Ewi wāween am lomnak ta kolla eo an imōn jokwe eo aō?

Kolla eo an imōn jokwe ekkar ñan laajrak:

- Aoleben joñan kolla eo an imōn jokwe ñan yiō in kōlantā 2020 kōjermal Aoleben Joñan Kolla Eo Emōj Kajimwe jen Beba 1040 eo jen Internal Revenue Service (IRS) an kajojo armij jen beba in ewoj in kolla an kajojo yiō an Federal; Aoleben joñan kolla aoleb allon an imōn jokwe ilo ien kateruru ekkar ñan jab diklok jen ruo allon mokta jen raan eo kwar kateruru. Ablikajon ko emōj kōtōbrak ej kōjermal kolla an kajojo allon aikuj bar lale aoleb 3 allon ñan ebōk bar jibañ jen Jibañ kin Reen eo an Arkansas. Lale melele in kajinet eo ilo Beba ko Aikuj an Armij ro rej Reen ñan beba in kolla ko reloñ im remelim.

Imaron ke kateruru ñan jibañ elañe ewōr armij rej jokwe ibban?

Aet. Etam aikuj bed ilo lej eo elañe kwōj kateruru ñan jibañ ñan jidikin reen eo kwōj aikuj kollaiki. Etan armij eo ej jokwe ibbam im etan ebed ilo lej eo emaron bar kateruru ñan jibañ kin jidikin reen eo ej aikuj kollaiki. Aoleb mennin aikuj ko jet ikijen maron tōbrak rej aikuj tōbrak ñan kajojo armij ej kateruru. Jouj im kemejmej bwe wonor ro an mweo im rijokwe ro rej jokwe ilo juon wot em (i.e., eo ej jokwe ippam ej boreinwot wonor in mweo) rejjab maron delone burokiraam in.

Emōj aō ebōk ak bōk jibañ ikijen bōjrak jermal, imaron ke tōbrak ñan jibañ?

Aet, elañe kwōj ioon aoleb mennin aikuj ko jet.

Ewōr juon aō kōjellā in kadiwōj na jen mweo imo ej itōk wōt, burokraam in emaron ke jibañ na?

Jeen in jipan reen em ilo Arkansas epellak nan jipan kolla reen ko rej jemlok ilo ak alikin Eprol 1, 2020. Elane kōjanin kar kanne, ak ewor am pepa in kadiwojlok yuk jen mon reen eo am ej wonmaanlakwot, kemejmej melele in ilo abolkeijen in im lore pepa in kadiwoj eo am ippen abolkeijen in bwe keij in en pad imaantata nan lale.

Ta eo enej walok ne epaak ao diwojlok jen mon reen eo ao ak emoj ao lelok abolkeijen eo?

Elane eo ej jokwe ilo mon reen eo ej make aet nan kajjitok in, "Emoj ke aer lewaj am leta in kadiwojlok iok?" ak Emoj ke an iwoj pepa in kadiwojlok iok jen jikin ekajet eo im ej kwalok raan in keij eo am ak emoj ke am diwojlok?" innem ejjelok men en kwoj aikuj kommane.

Elane eo ej jokwe ilo mon reen eo ekar jab maake aet ilo abolkeijen eo an nan juon iaan kajjitok kein ilon, innem rej aikuj kurlak (Arkansas Rent Relief Contact Center) Jikin jipan kin reen eo ilo Arkansas nan bok melele ko rekaaltata im lale ne rijokwe eo ej aikuj kokaal abolkeijen eo an kin melele ko ie kin leta in kadiwojlok e.

Elane rijokwe eo ejanin lelok abolkeijen eo an, ak ewor an pepa in diwoj ej wonmaanlak wot, rej aikuj mokaj im bar kanne aer abolkeijen im jeeke book eo im ej kwalok ke emoj an etal nan e leta in diwoj eo im, elane ekkar, pepa ko jen jikin ekajet eo im ej kwalok kin pepa in diwoj eo emoj boki. Renej aikuj in bar lori melelein kein ilo abolkeijen eo aer im liloki bwe keij in en pad imaantata im mokaj aer lale.

Ewi wāween aō ebōk jibañ ñan kateruru ñan jibañ kin reen eo an arkansas?

- Weepjait eo an DHS ([ar.gov/rentrelief](https://www.ar.gov/rentrelief)) ewor melele ko nan tel rijokwe ro im wonor ro nan jipan iok kanne am abolkeijen ilo onlain.
- Weepjait eo an DHS ([ar.gov/rentrelief](https://www.ar.gov/rentrelief)) ewor juon laajrak in jukjukin pad ko im rej jipan doon nan jipan iok kadedelok im lelok abolkeijen eo am onlain.
- Jikin kebaak eo ejellok wonnen kūrlok ilo +1 (855) RENTARK (+1 (855) 736-8275) ñan am kall kin kajitōk. Rijerbal ro ilo jikin Kall eo renaj bojak in jibañ ikōtaan 8 awa jibbon im 5 awa jota aoleb raan.

Elañe iar ebōk jāān moktalok jen burokraam in jibañ in jāān ikijen coronavirus an arkansas, imaron ke tōbrak in ebōk jibañ jen burokraam in jibañ kin reen an arkansas?

Aet. Jāān eo kwar bōke jen Jāān in Jibañ ikijen Coronavirus iomwin burokraam ko jet kim ejab watōke in lale am maron tōbrak ñan burokraam eo an jibañ ikijen reen an Arkansas, ijellokun ke burokraam eo ear kaju kollaiki wonnen reen ak jarom ko am. Ñe kwar ebōk reen ak jarom jen burokraam ko an federal jet kwōj aikuj laajrak etan burokraam ko ilo ablikajon eo ilo ien renaj kajitōk.

Emōj aō elo jāān einwōt mōttan burokraam eo ej kejbarok jek in kolla ak jen burokraam in loon jen idin jorrāān. Imaron ke wōt bar kateruru ñan burokraam in?

Aet. Jāān eo kwōj bōke jen Burokraam in Kejbarok jek in Kolla ak jen burokraam in loon jen Idin jorrāān kim ejab watōke ñan lale elañe kwōmaron tōbrak ñan Burokraam eo an Jibañ kin Reen an Arkansas.

Elane emoj ao kar kanne nan Burokiraam in jipan reen eo nan idun ilo Pulaski County im aikuij wot jipan kijeem reen, ij aikuij ke bar kanne juon abolkeijen nan Burokiraam in jipan reen eo ilo Arkansas?

Aet. Elane kwar kanne nan burokiraam eo an Pulaski County, im kwoj aikuij wot jipan kijeem reen, kwoj aikuij kanne nan Burokiraam in jipan reen eo ilo Arkansas. Nan kanne, etal nan ar.gov/rentrelief im jipede "Kanne lje." Konej kaju nan ijo im abolkeijen ko an Burokiraam in jipan reen eo ilo Arkansas ej pad ie nan am kommane juon am akkaun im jilkinlok abolkeijen eo am ie. Kemejmej bwe aolep ro rej jokwe ilo Pulaski rej aikuij lelok aolep pepa ko renej aikuiji nan am maron pad ilo Burokiraam in jipan reen eo ilo Arkansas.

Liij in aolep men ko renej aikuiji, FAQs, im menin jipan im tel yuk komaron bar loi ilo ar.gov/rentrelief.

Ak ñe ijab maron tōbrak in ebōk jibañ bōtab ij aikuj wōt jibañ?

Emaron wōr burokraam ko jet remaron jibañ kwe. Jouv im lale website kein:

- [Burokraam eo an Fresh Start an Arkansas](#)
- [Burokraam in jibañ ikijen Idin Jorrān ko](#)

JIBAÑ KO AN REEN AN ARKANSAS

Burokraam eo an Jibañ kin Reen an Arkansas emaron ke kolla wonnen ko jet im ejab reen?

Aet. Burokiraam in nan jipan reen em ilo Arkansas ej ba kobare aikuij ko an mweo ikijeem onlain, jarom im aikuij ko an moko im ebar koba kolla ko erumij am kollaiki wonaer rej ekeijaak lak ippen wonen reen im wonen aikuij ko lowaan mweo. *Kememej: Elane jet ak aolepen men piil ko am emoj kollaiki einwot mottan reen eo am, men kane kenono kaki renej boreinwot bar lore ke rej mottan reen eo am komuri jene.*

Ewōr ke jabdewōt muri in jarom rejab maron tōbrak?

Aet. Internet, talebon, kein alwoj ko, im cable ko rej bokwaj ñan imōn reen eo rejab jarom ko remaron tōbrak.

Jete allon imaron kateruru ñan jibañ in reen?

Kwōban ebōk lablok jen aoleben joñan eo kin 15 allon in jibañ. Kwōmaron kateruru ñan reen eo emootlok ien an kolla ñan Ebröl 1, 2020 im lok ñan jilu allon in reen eo an jeklaj ilo juon ien. Ilo ien eo enaj tōbrak ablikajon eo am kein kajuon, kwōmaron kateruru ñan lablok in reen eo an jeklaj bwe en kolla im jab lablok jen aoleben joñan eo kin 15 allon.

Ewōr ke joñan jemlok kin joñan reen eo kwōnaj kollaiki?

Ejellok jemlok kiō kin aoleben joñan jibañ in reen eo kwōmaron bōke.

Jete jibañ in reen im /ak jarom ij aikuj kateruru ñane?

Komaron kanne wot nan jonan eo kokar jab maron kollaiki reen eo am koba 5% in an rumij am kolla, rumij in am kollaiki wonen men ko kwoj kojerbali mweo ekoba rumij in kolla ko ewor unin aer rumij, im ej aikuij 3 allon lonlok ilo am reen raan ko rej pedo tok. Kwōjab maron kateruru elablok jen aoleben joñan 15 allon in jibañ. Burokraam eo ejab kolla wonnen rumij ko ilo muri in jarom ilo ien in.

Wonnen remuj ko remaron ke kobalok ilo jibañ eo ij kajitōke?

Aet. Ilo ien in, rumij in kolla ko rej bojrak wot jonaer ejjab lap jen 5% in woneen reen ko emoj kalikari im bar jet men ko remenin aikuij ilo kolla ko rerumij rej aikuij bar pad ilo liij eo. Kolla ko rerumij remaron bar delon ilo kajitok eo ikkijeem an rumij kollaiki wonen men ko kwoj kojerbali mweo.

Ñe inaj ebōk jibañ ilo burokraam in, remaron ke wōt kadiwōjlok na jen mweo ij reene?

Rijokwe ro remaron diwoj kin jet un ko ijelakin jab kolla. Kin wot an oktaktak aban ko an rijokwe ro, jouv im wonmaanlak wot im etal nan jabdewot keij emoj karoki waj jen jikin ekajet eo.

Ñe imaron ebök jibañ kiō ibben burokraam in, imaron ke bar tōbrak ñe inaj wōt aikuj jibañ kin reen ak jarom?

Komaron kanne wot am abolkeijen ilo kotaan eo emoj karok jonan aetokan ijowotke kwon lelok ilo am jab katoto im la jen 15 allon. Jouj im jab kanne am abolkeijen keel bwe enej komman bwen bar to lak kitien aer etaale aikuj eo am.

Imaron ke kateruru ñan wonnen reen eo emootlok ien an kolla ñan juon imōn reen kar moktalok?

Armij ro rej reen im landlord ro remaron kateruru ñan wonnen reen eo emootlok ien an kolla jen Ebrol 1, 2020. Jipan ko nan muri in reen maron komman wot elane rijokwe eo ejako an jokwe ilo mon reen eo elane aolep melele ko rej aikuiji rededelok ilo abolkeijen eo.

MADMŌD EO AN ABLIKAJON

Ñaat eo imaron kateruru im ñaat raan eo aliktata in kateruru?

Ablikajon ko rar bellok ilo Mae 17, 2021. Raan eo aliktata an ablikajon ejanin walok ilo ien in. Iomwin burokiraam in, Aolep ro remaron bok leen burokiraam in nan jipan er kolla reen enej jemlok ilo ak elikin Epril 1, 2020.

Ewi wāween aō maron kateruru?

Kwōmaron loe ablikajon eo ilo ar.gov/rentrelief.

Ñe ij jokwe ilo County eo an Benton ak Washington, ia eo ij aikuj kateruru?

Ewōr burokraam in jibañ in reen ilo County ko an Benton im Washington im emōj aer kajitōk bwe armij ro rej reen ren kaju kateruru ibben burokraam eo an county eo aer.

- Armij ro rej jokwe ilo Benton remaron kateruru ilo [ijin](#).
- Armij ro rej jokwe ilo Washington remaron kateruru ilo [ijin](#).

Landlord eo aō aikuj ke errā in bōk kolla ilo wāween in?

Jaab. Elane juon wonor ejjab konaan bok kolla rot in, kolla ko remaron kaju lak nan rijokwe eo elane enej tobrak abolkeijen eo. Ekkar jen karok ko jen kien ej menin aikuij bwe rijokwe eo en lilok kolla kein nan wonor eo im bok rijiit nan kamool. Emoj kokkabiloklok yuk bwe kwon bok juon kaape in rijiit ak kabojrak jeek eo nan kamool ke emoj am kollaiki wonor eo einwot ke menin naaj aikuij jen kien eo im ro tellok in burokiraam in.

Ak ñe landlord eo aō ejab kōnaan bōk kwōnaan?

Burokiraam in jipan reen em ilo Arkansas emaron kio kommane kolla ko kaju nan ippan rijokwe eo elane wonor eo ej kalet bwe en jab bok kain kolla rot in. Elane emoj am lelok abolkeijen eo am, burokiraam in enaaj kajeon bukot kilen bwen tobar wonor eo am laptata jilu katton. Elane abolkeijen eo an wonor eo im emaaaje kwe ejanin etal alikin 10 raan, renej etaale abolkeijen eo am ne emaron tobrak im nan kolla. Elane wonor eo enej kanne ilo ien eo rej etaale abolkeijen eo am ak mokta jen kolla eo, wonor eo enaaj kaju etal kolla eo nane. Elane wonor eo ejanin kanne ak abolkeijen eo am emoj an alikar ke rej boke, kolla ko renej kaju waj nan kwe einwot rijokwe eo ilo United States Postal Service. Ilo an kwalok ijiin ilon, Kien eo ej kwalok ke emenin aikuij bwe rijokwe ro ren lelok wonen jipan reen ko nan wonor ro im ebok rijiit. Emoj kokkabiloklok yuk bwe kwon bok juon kaape in rijiit ak kabojrak jeek eo nan kamool ke emoj am kollaiki wonor eo einwot ke menin naaj aikuij jen kien eo im ro tellok in burokiraam in.

Ñe ij kateruru ñan jarom, kombani in jarom eo aō ej ke aikuj kateruru?

Jab. Kombani in jarom ko rejab aikuj kadedelok juon ablikajon ak lelok jabdewōt melele. Konej aikuj kwalok pepa ko im rej kwalok wonen ko kwoj kollaiki lo mweo im kolla ko erumij am kolla nan kajojo ro im komuri ipper.

Na juon landlord im armij eo ej reen ibban emuri wonen reen. Imaron ke kateruru?

Aet. Kwōmaron kateruru im ablikajon eo am enaj kōjellāik armij eo ej reen ibbam bwe en kateruru. Jouj im kebooje melele ko ñan kebaak armij eo ej reen ibbam. Kolla eo emaron wōt etal ilo ien eo armij eo ej reen enaj kadedelok ablikajon eo im an maron tōbrak. Jouj im kemejmej, wonor in mweo im rijokwe ro rej jokwe ilo juon wot em rejjab maron delone burokiraam in.

Elane emoj ao kanne ako wonor eo ao ejanin, ij aikuj ke bar kanne?

Jaab. Elane kwar kanne nan burokiraam in mokta jen September 8, 2021 im wonor eo am ejanin lelok abolkeijen eo im emaaje eo wōjam, kojjab aikuj in kanne. Abolkeijen eo am im ededelok am kanne enej kaju mootlok nan aer etaale. Kajjitok nan jipan ko nan ilju im jaklak renej komman ilo am bar kaetoklok nememein abolkeijen eo am im ejjab ilo am bar kanne juon abolkeijen keel. Nan lale abolkeijen eo am epad tok ia, jouj im delone abolkeijen eo am onlain. Jouj im jab lelok ruo katton abolkeijen eo am bwe emaron komman bwen to lak kitien aer etaale pepa eo am im to lak am ebok jeen in jipan ko.

Kombani / obji ko rej lale jikin jokwe eo an landlord im kajojo landlord ro remaron ke kateruru?

Kajojo landlord ro im bareinwōt kombani ko rej lale jikin jokwe ko remaron kateruru. Juon ablikajon an kombani ej aikuj dedelok jen ibben juon eo emōj kōmelim an binej jenkwān, im ilo ien rōt in ej EIN (Nōmba in Kalikar Jikin jermal) im aikuj lelok juon letā an kombani ak ID bija jen kien. Melele in ej wōt ñan kamool armij ñan kadiklok an wōr uwōta in koot im riab; ejellok lale melele in kredit ko an kajojo armij.

Na juon landlord eloñ an imōn reen. Imaron ke lelok juon ablikajon?

Landlord ro rej aikuj kadedelok juon ablikajon an kajojo armij ñan kajojo imōn jokwe ñan an ablikajon eo einwōt ablikajon eo an armij eo ej reen. Landlord ro remaron kōjermal kein madmōd an kein jermal kapeel eo ej kaju kanne melele ko ñan an mōkaj an kanne ablikajon ko an kajojo imōn reen ko.

Enaj ke wōr Kajin Spanish im Kajin Majol ilo ablikajon eo?

Aet.

Beba ta ko ij aikuj ñan kamool ñan kadedelok madmōdin ablikajon eo?

Melele in kajinet an Ablikajon eo an armij eo ej reen im Landlord ilo ar.gov/rentrelief ewōr juon laajrakin etan beba ko kwōnaj aikuji. Im bareinwōt, kwōmaron naj loe an beba ko aikuj an armij eo ej reen jibañ kwe.

Jouj im letōk laajrak:

- Kein kamool kein kolukin joreen ikijeem jeen kin wot naninmej in ejalet lalin COVID-19 (waanjoñok, kein kamool jen jikin jermal kin an bōjrak jermal, ejellok jermal, letā in kōbōjrak am jermal, im men ko jet)
- Leij ak bujen in reen eo an tōrre in
- Laijen in kattor ak bar juon ID ewōr bija an kien an armij eo ej bōk eddoin baamle eo
- Kein kamool kin kolla eo kiō an aoleb ro uwaan mweo (waanjoñok, Beba 1040 an IRS an yiō 2020, beba ko rej kwalok melele in kolla im rej kwalok kolla eo an rimweo aoleb allon ilo ien ablikajon eo ñan jab diklok jen ruo allon mokta jen raan eo kwar kateruru, claim kin an bōjrak jermal, beba in kamool am lelok kwōnaam, im men ko jet)
- Kamool kin am bōk kwōnaam ilo SNAP, TANF ak Burokraam eo an Injuran in Bōjrak Jermal im enaj jibañ kōmōkajlok ablikajon eo am ñan Burokraam eo an Jibañ kin Reen an Arkansas.

- Kein kamool ke kwōj aikuj jibañ kin imōn jokwe ak ewōr uwōta in aer kadiwōj kwe (waanjoñok, beba in kamool reen, kōjellā in reen ko rej kwalok ewōr joñan muri, kamool kin jarom ko emootlok ien kolla, im men ko jet)
- Melele ñan allon in jibañ kin reen im jarom emōj kajitōke (waanjoñok, beba in kamool reen, kōjellā ko rej kwalok joñan reen eo kwōmuri, muri in jarom, im men ko jet)

Ta beba ko rej mennin aikuj ñan landlord ro?

- Letā ilo beba ko an kombani rej kamool ke kwe eo emōj kōmelim am jutak ikijen kombani eo; ak juon Bija in Kalikar Armij jen Kien (einwōt, Laijen in Kattor, Passport, ID in Tarinae, Kaat in Jokwe ejab jemlok kūtien, im men ko jet)
- Juon kabe in leij ak bujen in reen eo/ko emōj aer jain im ekoba aoleb allon ko kwōj kabōk jibañ kake
- Atorej in email im nōmba in talebon an armij eo ej reen
- Kememej: Lelok kōjellā in kadiwōj ko im/ak kōjellā ko kin rumij in kolla rejab aikuj bōtab remaron kōmōkajlok madmōdin etale ablikajon eo

Etke ij aikuj errā ñan Kakien ko mokta jen aō elo kōjellā elañe emōj an tōbrak ablikajon eo aō?

Kile ke emōj am riit, melele, im errā ñan mennin aikuj im wāween ko an jibañ eo ej juon būnten ilo madmōd in kōmelim eo. Mennin ekoba bōtab ejab jemlok wōt ñan:

- Errā in loor mennin aikuj im wāween ko an bujen in jibañ eo.
- Errā ñan jidik melele kin armij eo ilo jikin im joñan eo rej lelok bwe en walok einwōt mōttan jeral ko an state kin jimwe im mool.
- Kamool ke ablikajon eo ededelok im jimwe melele ko ie.
- Landlord ej kōmelim naan ko eo, ekoba kōmelim kolla ñan aoleben wonnen reen eo emootlok ien kolla, jolok jabdewōt kōjellā jen raan ko jilimjuon maanlok im errā in jab kadiwōjlok armij eo ej reen ekkar ñan muri in reen ko remootlok ien kolla ak allon ko ilo jeklaj ñan wonnen reen ibben burokraam eo.

Nōmba in Social Security im melele in laijen in kattor eo aō ej jeral ñan ta?

An aen melele ko rej kalikar juon armij (einwōt, SSN, laijen in kattor, im men ko jet) rar kōmman ñan kadiklok uwōta kin koot im jibañ kejbarok juon armij jen an bar juon armij bael claim in koot ko ikijen imōn reen eo am. Madmōdin kein kamool ej kalikar armij ejab koba etale kredit im ebañ jemlok ilo juon kajitōk eo enaj kakkure ripoot in kredit eo am.

KOLLA EO AN RIJOKWE EO

Ewi wawein ao kommane kolla ko nan wonor eo elane jeek eo enej itok jen burokiraam in jikin jipan reen eo an Arkansas?

Komaron komman am kolla ilo juon wot iaan men kein jilu:

- (1) Kadelon jeek eo ilo akkaun eo am im kolla reen ilo ejja jekjek eo wot kokijoor kolla reen kake.
- (2) Jeiki likin jeek eo ilo am jaini likin im lelok nan wonor eo,
- (3) Rube jeek eo nan jeen im kommane kolla eo am. Lale ijin ilal nan melele ko relaplok ilo kilen im wawein kein.

Imaron ke kadelon jeek eo ilo akkaun eo ao?

Aeet, kadelone jeek eo ilo akkaun eo am. Kotobarlok wonor eo am ilo imeil ak jikin bokto boktak leta ko im emoj lali einwot ko emoj kadeloni ak bokto bokta leta ko ilo wawein eo emokaj im kwalok jonan eo kwoj jilkinlok jen burokiraam in jipan reen eo an Arkansas. Innem kollaiki wonor eo am ejja jonan eo wot burokiraam in jipan reen eo an Arkansas ej lore lo jeek eo ilo ejja kilen im wawein jekjekin am kijoor kolla.

Ij aikuij ke kejbarok pepa in kamool in kolla eo?

Aeet, jouj im kejbarok pepa ko relukin aurok im ekkar bwe kwon kejbaroki (i.e., rijit in reen, bojrak in jeek, pepa ko rej kwalok kolla ko, etc.) nan kamool ke emoj am kolla nan wonor eo ilo an maron nej aikuij jen kien eo.

MELELE KĀĀL KO IKIJEN ABLIKAJON

Ewi wāween aō jelā elañe emōj aer loe ablikajon eo aō im imaron ke lale jekjek eo an?

Komaron lale epad tok ia abolkeijen eo am ilo am bar rool im delone abolkeijen eo am ilo botel in ar.gov/rentrelief im lale taajboot eo ilo abolkeijen eo am. Nan kakobaba in jipan, komaron etal nan kilen jipan iok ilo abolkeijen eo an rijokwe ak wonor eo ilo ar.gov/rentrelief nan wawein ko nan lori ilo am jeek epad tok ia abolkeijen eo am onlain. Enej iwoj nan iok imeil ilo etan imeil eo kokar lore ilo bunten kein ilo komadmod in: (1) Kommane juon am akkaun; (2) Lelok abolkeijen eo am; (3) jemlok in etaale abolkeijen eo am; im, (4) kolla.

Imaron ke naj kōmman oktak ilo ablikajon eo aō alikin aō lelok?

Aet. Ablikajon eo emaron rool waj ñan kwe ilo am kūrlok jikin kall eo ilo 855.RENTARK (855.736.8275).

Ewi wāween aō naj loe kōjellā eo elañe emōj aō tōbrak ñan jibañ?

Enej iwoj am kojela ilo imeil ke abolkeijen eo am emoj kawepene ak jaab. Jouj im lukin lale bwe imeil eo kwoj lore ilo abolkeijen eo am elukin jimwe jipeelin. Komaron lale epad tok ia abolkeijen eo am ilo am bar rool im delone abolkeijen eo am ilo botel in ar.gov/rentrelief im lale taajboot eo ilo abolkeijen eo am.

Imaron ke lale jekjekin ablikajon eo aō ñe ejellok aō internet ak email?

Burokraam in Jibañ kin Reen an Arkansas eloñ möttan ilo jukjukinbed eo ibelakin state eo im armij ro rej kateruru remaron kōjeral juon kombutor ñan loe ablikajon eo online. Kwōmaron loe laajrakin etan doulul ko ilo ar.gov/rentrelief. Ebellok jikin Kall eo ñan kajitōk ko relablok im jibañ ilo am kūrlok 855.RENTARK (855.736.8275) Mande ñan Bolaide jen 8:00 awa jibbon ñan 5:00 awa jota awa in Central.

Elañe ablikajon eo aō ejab tōbrak, imaron ke jelā wun eo?

Aet, email eo kim naj jilkinwaj enaj ba wun eo/ko ablikajon eo am ear jab tōbrak.

Ewi wāween aō maron kwalok kamool ñan landlord ak kombani in jarom eo aō ke emōj aō kateruru ñan kolla ñan aer jab kadiwōj iō?

Email ko emōj loe jen burokraam eo rej melele in leto letak ko ewōr karōkier im remaron lelok ñan landlord eo einwōt kein kamool kin am kar kateruru ñan jāān ko. Wonor eo enej bar etal imeil nan kojelaiki kin abolkeijen eo am im weppen in abolkeijen eo am elane rekar kanne.

JELŌT JEN COVID

Ij ke aikuj kamool an jako kolla eo aō jen COVID-19?

Kwōj aikuj kwalok wāween am kar jelōt jen COVID-19 im emaron koba an jako kolla im bareinwōt lablok wonnen imōn jokwe ak men ko jet ikijen COVID-19.

Ta eo aikuj ñan kein kamool kin an jako kolla ikijen COVID-19 ak lablok wonnen imōn jokwe ak men ko jet ikijen COVID-19?

Ablikajon eo aikuj an juon make kamool kolla, im emaron etale koba ibben beba in kamool ko kwōnaj letōk. Kwōnaj aikuj letōk beba ko rej kwalok melele in kolla an 2019 ak W2 an 2019 koba ibben beba ko rej kwalok melele in kolla an 2020 ak W2 an 2020 bwe kim en maron lale oktak ak kein kamool kin kolla eo mokta, waanjoñok juon ablikajon emōj kamool ejellok jerbal.

TA KO REJ WALOK JEN EOWOJ

Na juon eo ej reen im emōj aō ebōk jibañ jen jibañ in Reen eo an Arkansas. Ij ke aikuj ripooti kolla kein ilo ien aō bael beba in eowoj?

Jaab. Ekkar nan jikin eddoin taak eo (IRS), aolep jeen in jipan ko ikijeen reen em, ekoba wonen men ko rej jermal mweo ak men ko ekka ad aikuiji nan juon em, komman bwen ekkar nan juon em rejjab likit einwot jeen an armej ro make. Lale: <https://www.irs.gov/newsroom/emergency-rental-assistancefrequently-asked-questions>

Na juon landlord im ear loe jāān jen jibañ in Reen an Arkansas ikijen armij eo ej reen ibba. Ij ke aikuj ripooti kolla kein ilo ien aō bael beba in eowoj?

Aet. Jibañ in Reen eo an Arkansas ear kōmman ñan jibañ armij ro ilo imōn jokwe ko remaron tōbrak im rej aikuj jibañ in jāān ñan kolla wonnen reen, jarom, ak muri in kajur ko an mweo. Kolla in reen ko kwōj bōki, jeen armij eo ej reen ak jen State eo an Arkansas, rej koba ilo aoleben joñan kolla mokta jen kankan ko am.

Na juon kombani in jarom im ewōr juon aō customer emaron tōbrak ñan Burokraam eo an jibañ kin Reen an Arkansas. State eo ear jilkinlok ñan kombani eo aō wonnen jarom ikijen customer eo aō. Kolla in ekoba ke ilo joñan kolla mokta jen kankan an kombani eo aō?

Aet. Burokraam eo an jibañ kin Reen an Arkansas ear kōmman ñan jibañ armij ro ilo imōn jokwe im remaron tōbrak im rej aikuj jibañ in jāān ñan kolla wonnen reen, jarom, muri in kajur ko an imōn jokwe, im muri ko jet an imōn jokwe eo. Kolla in jarom ko kombani eo am enaj loi, jen juon customer ak jen State eo, rej koba ilo aoleben joñan kolla mokta jen kankan an kombani eo am.

JIBAÑ KIN KEIN JERBAL KABEL

Ta kein lale eo ij aikuj kōjerbal ñan loe ablikajon eo online?

Ñan joñan am lale eo emmontata, kim ej rōjañ am kōjerbal Google Chrome, Mozilla, Firefox, Microsoft Edge, ak Apple Safari eo ekāāltata. EJAB jermal Internet Explorer.

Beba ko aō rebañ upload. Ta eo ij aikuj kōmmane?

Ñan lolorjak an beba eo jab lablok jen 10 MB im emōj kakwōne im upload einwōt .pdf, .jpeg, ak .png..

Ak ñe ijab maron kateruru online?

Ñe ejellok am kombutor, tablet, ak talebon mobile, eloñ jikin ko kwōmaron kōjerbal juon kombutor, ekoba laibrārae eo an kien ilo jukjukinbed ak Goodwill Career Center. Kwōmaron loe juon laajrakin etan ro mōttad ilo jukjukinbed ilo ar.gov/rentrelief.

Ta jibañ eo enaj wōr ñan na ilo ien im alikin madmōdin ablikajon eo? Emaron wōr kajitōk ko rejab maron uwaak ilo FAQ in.

Ro rej kateruru remaron kall ae lok 855.RENTARK (855.736.8275) Mande ñan Bolaide jen 8:00 awa jibbon ñan 5:00 awa jota Awa in Central. Armij ro rej ebōk kajitōk renaj uwaake kajitōk ko ilo ien kall eo, ak ilo jet ien ko remaron aikuj bar kall ae waj kwe. Jouj im bojak in likūt etam im melele ko ñan kebaak kwe.

Enaj ke wōr jibañ ilo jikin kall eo ilo Kajin Spanish im Kajin Majol?

Aet, enaj wōr juon jibañ ilo jikin kall eo ilo Kajin Spanish im Kajin Majol.

MADMŌDIN KOLLA

Woñ eo ej etal kolla in jibañ kin reen ak jarom ñane?

Jeen in jipan kolla reen in enaj kaju lak nan ippan wonor eo ak eo ej lewaj piil ko am. Elane wonor eo ejjab konaan kain kolla rot in, wonen reen eo emaron kaju nan ippan rijokwe eo, elane eweppen abolkeijen eo. Rijokwe eo enaj aikuj lelok kolla ko kajju nan wonor eo im bok rijiit ak kein kamool ko jet ke emoj an kolla nan ippan wonor eo.

Ta eo ij aikuj kōmmāne elañe na ak landlord ak jikin jarom eo aō ejañin loe juon jek bōtab emōj kōjellā lok ke emōj aō tōbrak?

Kolla ko ñan ablikajon ko emōj aer tōbrak renaj madmōd aoleb wiik im renaj woñmaanlok mae ien jemlok in burokraam eo. Emōj rōjañ an armij ro rej kateruru bar deloñ kin ettaer ilo portal eo online ñan lale jekjekin ablikajon eo aer kwōmaron loe ilo ar.gov/rentrelief.

Ewi wāween aō jelā ñe emōj an kolla landlord eo aō ak jikin jarom eo?

Rej jilkinlok kōjellā ilo email ilo kajojo ien madmōdin ablikajon im ekoba ien eo emōj an madmōd kolla ñan juon ablikajon eo emōj an tōbrak. Emōj rōjañ an armij ro rej kateruru bar deloñ kin ettaer ilo portal eo online ñan lale jekjekin ablikajon eo aer kwōmaron loe ilo ar.gov/rentrelief.

Landlord eo aō enaj ke loe aoleben kolla ko ilo juon wōt ien ak ilo kajojo allon?

Ilo ien enaj tōbrak ablikajon eo, landlord ro remaron loe juon jek kin joñan muri ko ekoba wonnen rumij ko im juon jek ewōr lok ñan jilu allon in reen ilo jeklaj. Elane wonor eo ejjab konaan kain kolla rot in, wonen reen eo emaron kaju nan ippan rijokwe eo, elane eweppen abolkeijen eo.

Ta mennin aikuj ko ikijen loor laajrak?

Landlord im ro rej reen rej errā in loor aoleb mennin aikuj ko rekkar an burokraam eo im enaj wōr enaj lale beba ko aer im/ak kamool jen State eo an Arkansas im/ak jen US Treasury Objij eo an Inspector General im ro renaj jitoñe. Ñe emōj kamool aer jab loor laajrak remaron jemlok ilo aer bar bōk jāñ ko im/ak jejbāan jen aer bōk kwōnaer ilo burokraam in jibañ ko an kiō ak jeklaj.

Inaj ke aikuj karool lok jāñ eo ilo jeklaj?

Jaab. Ijowot ke kwe eo im kwaar kanne abolkeijen kwoj aikuij lori wot toom ko im konaan ko an burokiraam in im aolep jeen kein rej jermal nan reen im piil rej alikar kamool ko aer ilo jikin erra eo an abolkeijen in.

Emaron ke wōr kallimur in aō melim ñan jibañ elañe imaron tōbrak?

Jaab. Kolla ko rej komman ekkar jonan jeen ej walok ekoba aikuij bwen ekkar itok jen kotobar ko an burokiraam in im rikanne abolkeijen eo ej kwalok aolep pepa in kamool ilo aolep kolla ko.

KŌJELLĀ ÑAN ARMIJ

Melele ta eo kin na armij remaron loi?

Jekdon State eo an Arkansas enaj kwalok ripoot kin wāween an jermal jāñ in kien, ejellok melele enaj kwalok armij ro rej reen ak landlord ro im rej bōk kwōnaer ilo burokraam in.

JKIN KAKOBABA IN MELELE A: JOÑAN JEMLOK IKIJEN MARON TÖBRAK KIN KOLLA

* Jikin: https://www.huduser.gov/portal/datasets/il/il2020/select_Geography.odn

Ro uwaan imôn jokwe eo								
KÖMELELE	1	2	3	4	5	6	7	8
	Joñan	Joñan	Joñan	Joñan	Joñan	Joñan	Joñan	Joñan
County eo an Arkansas	30,450	34,800	39,150	43,500	47,000	50,500	53,950	57,450
County eo an Ashley	30,350	34,650	39,000	43,300	46,800	50,250	53,700	57,200
County eo an Baxter	30,350	34,650	39,000	43,300	46,800	50,250	53,700	57,200
County eo an Benton	41,950	47,950	53,950	59,900	64,700	69,500	74,300	79,100
County eo an Boone	30,350	34,650	39,000	43,300	46,800	50,250	53,700	57,200
County eo an Bradley	30,350	34,650	39,000	43,300	46,800	50,250	53,700	57,200
County eo an Calhoun	30,900	35,300	39,700	44,100	47,650	51,200	54,700	58,250
County eo an Carroll	31,550	36,050	40,550	45,050	48,700	52,300	55,900	59,500
County eo an Chicot	30,350	34,650	39,000	43,300	46,800	50,250	53,700	57,200
County eo an Clark	33,900	38,750	43,600	48,400	52,300	56,150	60,050	63,900
County eo an Clay	30,350	34,650	39,000	43,300	46,800	50,250	53,700	57,200
County eo an Cleburne	31,850	36,400	40,950	45,450	49,100	52,750	56,400	60,000
County eo an Cleveland	30,950	35,350	39,750	44,150	47,700	51,250	54,750	58,300
County eo an Columbia	30,350	34,650	39,000	43,300	46,800	50,250	53,700	57,200
County eo an Conway	31,450	35,950	40,450	44,900	48,500	52,100	55,700	59,300
County eo an Craighead	33,000	37,700	42,400	47,100	50,900	54,650	58,450	62,200
County eo an Crawford	30,450	34,800	39,150	43,450	46,950	50,450	53,900	57,400
County eo an Crittenden	38,500	44,000	49,500	54,950	59,350	63,750	68,150	72,550
County eo an Cross	31,850	36,400	40,950	45,500	49,150	52,800	56,450	60,100
County eo an Dallas	30,350	34,650	39,000	43,300	46,800	50,250	53,700	57,200
County eo an Desha	30,350	34,650	39,000	43,300	46,800	50,250	53,700	57,200
County eo an Drew	31,650	36,200	40,700	45,200	48,850	52,450	56,050	59,700
County eo an Faulkner	40,050	45,800	51,500	57,200	61,800	66,400	70,950	75,550
County eo an Franklin	30,350	34,650	39,000	43,300	46,800	50,250	53,700	57,200
County eo an Fulton	30,350	34,650	39,000	43,300	46,800	50,250	53,700	57,200
County eo an Garland	34,650	39,600	44,550	49,500	53,500	57,450	61,400	65,350
County eo an Grant	35,850	41,000	46,100	51,200	55,300	59,400	63,500	67,600
County eo an Greene	32,800	37,450	42,150	46,800	50,550	54,300	58,050	61,800
County eo an Hempstead	30,350	34,650	39,000	43,300	46,800	50,250	53,700	57,200
County eo an Hot Spring	30,450	34,800	39,150	43,450	46,950	50,450	53,900	57,400
County eo an Howard	30,350	34,650	39,000	43,300	46,800	50,250	53,700	57,200
County eo an Independence	31,100	35,550	40,000	44,400	48,000	51,550	55,100	58,650
County eo an Izard	30,350	34,650	39,000	43,300	46,800	50,250	53,700	57,200
County eo an Jackson	30,350	34,650	39,000	43,300	46,800	50,250	53,700	57,200

County eo an Jefferson	30,950	35,350	39,750	44,150	47,700	51,250	54,750	58,300
County eo an Johnson	30,350	34,650	39,000	43,300	46,800	50,250	53,700	57,200
County eo an Lafayette	30,350	34,650	39,000	43,300	46,800	50,250	53,700	57,200
County eo an Lawrence	30,350	34,650	39,000	43,300	46,800	50,250	53,700	57,200
County eo an Lee	30,350	34,650	39,000	43,300	46,800	50,250	53,700	57,200
County eo an Lincoln	30,950	35,350	39,750	44,150	47,700	51,250	54,750	58,300
County eo an Little River	32,050	36,600	41,200	45,750	49,450	53,100	56,750	60,400
County eo an Logan	30,350	34,650	39,000	43,300	46,800	50,250	53,700	57,200
County eo an Lonoke	40,050	45,800	51,500	57,200	61,800	66,400	70,950	75,550
County eo an Madison	41,950	47,950	53,950	59,900	64,700	69,500	74,300	79,100
County eo an Marion	30,350	34,650	39,000	43,300	46,800	50,250	53,700	57,200
County eo an Miller	34,100	39,000	43,850	48,700	52,600	56,500	60,400	64,300
County eo an Mississippi	30,350	34,650	39,000	43,300	46,800	50,250	53,700	57,200
County eo an Monroe	30,350	34,650	39,000	43,300	46,800	50,250	53,700	57,200
County eo an Montgomery	30,350	34,650	39,000	43,300	46,800	50,250	53,700	57,200
County eo an Nevada	30,350	34,650	39,000	43,300	46,800	50,250	53,700	57,200
County eo an Newton	30,350	34,650	39,000	43,300	46,800	50,250	53,700	57,200
County eo an Ouachita	30,350	34,650	39,000	43,300	46,800	50,250	53,700	57,200
County eo an Perry	40,050	45,800	51,500	57,200	61,800	66,400	70,950	75,550
County eo an Phillips	30,350	34,650	39,000	43,300	46,800	50,250	53,700	57,200
County eo an Pike	30,350	34,650	39,000	43,300	46,800	50,250	53,700	57,200
County eo an Poinsett	30,350	34,650	39,000	43,300	46,800	50,250	53,700	57,200
County eo an Polk	30,350	34,650	39,000	43,300	46,800	50,250	53,700	57,200
County eo an Pope	30,350	34,650	39,000	43,300	46,800	50,250	53,700	57,200
County eo an Prairie	30,350	34,650	39,000	43,300	46,800	50,250	53,700	57,200
County eo an Pulaski	40,050	45,800	51,500	57,200	61,800	66,400	70,950	75,550
County eo an Randolph	30,350	34,650	39,000	43,300	46,800	50,250	53,700	57,200
County eo an Saline	40,050	45,800	51,500	57,200	61,800	66,400	70,950	75,550
County eo an Scott	30,350	34,650	39,000	43,300	46,800	50,250	53,700	57,200
County eo an Searcy	30,350	34,650	39,000	43,300	46,800	50,250	53,700	57,200
County eo an Sebastian	30,450	34,800	39,150	43,450	46,950	50,450	53,900	57,400
County eo an Sevier	31,200	35,650	40,100	44,550	48,150	51,700	55,250	58,850
County eo an Sharp	30,350	34,650	39,000	43,300	46,800	50,250	53,700	57,200
County eo an Saint Francis	30,350	34,650	39,000	43,300	46,800	50,250	53,700	57,200
County eo an Stone	30,350	34,650	39,000	43,300	46,800	50,250	53,700	57,200
County eo an Union	32,300	36,900	41,500	46,100	49,800	53,500	57,200	60,900
County eo an Van Buren	30,350	34,650	39,000	43,300	46,800	50,250	53,700	57,200
County eo an Washington	41,950	47,950	53,950	59,900	64,700	69,500	74,300	79,100
County eo an White	33,450	38,200	43,000	47,750	51,600	55,400	59,250	63,050

**ARKANSAS
RENT RELIEF
PROGRAM**

County eo an Woodruff	30,350	34,650	39,000	43,300	46,800	50,250	53,700	57,200
County eo an Yell	30,350	34,650	39,000	43,300	46,800	50,250	53,700	57,200